



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe


AUGUSTÆ Vindel. & DILINGÆ, 1707

VD18 12383155

Consid. III. die Martis. Societas Damnatorum, Dæmonum, Complicum in
peccato.

[urn:nbn:de:hbz:466:1-47773](#)

ipsum peccatum, hæc etiam nunc te inducat ad mihi penitus ignoscendum, dum ante te me abjicio. Accipio hanc animam, & illam repono in divinis tuis manibus. In manus tuas Domine commendo spiritum meum. A manibus DEI vivi, quibus excidere merui, provoco ad manus DEI in Crucem aucti, & pro me mortui: istæ me judicent, istæ de me sententiam ferant, hic manere fixum est, ubi tu tanto amore salutem meam descripsisti ad gaudendum hoc fructu per omnem æternitatem. Amen.



Consideratio III.

Pro die Martis.

Societas.

Damnatorum.

Considera ingens tormentum, quod habitationi infernali adjungent habitatores. Vivere cum socio per verso res est usque adeò molesta, ut ipsæ adeò plantæ fixæ in terra ab ea videantur abhorrere, dum recedunt & fugiunt quantum possunt à plantis aliis sibi contrariis. Certum est, quod Spiritus Sanctus nos securos reddat; tolerabilius esse, vivere cum feris in deserto, quam vivere cum muliere rixosa & iracunda. Melius est habitare in terra deserta, quam cum muliere rixosa & iracunda. Prov. 21. v. 19. Miser aliquis maritus, qui non audit domi suæ nisi clamores, & lamentationes, sub vesperum invitissimus

C

mus

mus domum revertitur, & horas annos putat, donec iterum domo prodire liceat. Cogita nunc tu, quām molestum futurum sit, vivere perpetuō cum Damnatis, quando cum uno solo illorum vivere, non dicam in Inferno, sed in ipso adeō Cælo, futura eset pœna intolerabilis. Sicut in Cælo omnes pleni sunt caritate, & se non magis quām alios amant, sic in Inferno omnes pleni erunt odio, & mutuo sibi volent pessimè, inimicitia ejus generis, quæ in æternum non possit mutari pace ac concordia: cùm enim ibi leges omnes turbatæ sint, & omnis exulet ratio, non erit ibi nec sanguis, nec cognatio, nec patria, nec vinculum, nec ullum argumenti genus, quod mitigare valeat rabiem illam desperatam. *Spinae congregatae igne comburentur. Iſa. 33.* Simul erunt tanquam spinæ, quæ se mutuō pungent, se lacerabunt, & nemo non alteri ingens erit tormentum. Quām irascitur æger illi, qui opem licet rogatus, ferre recusat? quām furit laborans podagrā, cùm nullā curā & cautelā tractatur?

Et tamen hæc umbra duntaxat est desperationis miserorum illorum qui invicem erunt & sibi, & aliis molestissimo oneri. Soli clamores & ejulatus, quibus impiebunt omnia, sufficient ad eos intolerabiles efficiendos. Mater aliqua quæ tota nocte plorantem & ejulantem audit parvulum filiolum, ferre illum non potest, & licet illum non minus quām se ipsam amet, irascitur, & mala illi precatur. Quales jam imprecations, quæ furia erunt Reprobi alicujus inter tot lamenta, inter tot planctus & ululatus, non dicam jam cari filij, sed multitudinis inimicæ, innumerabilis, nec spatio unius tantum noctis paucarum horarum, sed spatio noctis sempiternæ? Et tamen est inter Christianos nonnemo tam insanus, qui putet se solatii aliquid

quid inventurum in illo barathro peccatarum ex eo, quod non solus, sed cum multis illas sit toleratus? Si ad Infernum detrudar, ajunt, non ero ibi solus. O insani! ô insani! quod plura congeruntur in fornace ligna, an non ardor tanto augetur & crecit amplius? *Ex damnatorum multitudine pena singulorum augetur:* doctrina est S. Thomas in 4. dist. 50. q. 2. a. 1. Quanto plures erunt, tanto patientur amplius, cum sua quilibet tormenta reflectat in alterum, dolor cuiuslibet dolorem alterius reddat grayorem, & miseria unius alterius miseriam gemit. Infelici alii cui molesti sunt ipsi adeo vultus carissimorum quorumlibet, & nauseam creant dulcissima illi consolando prolati verba. Et tu mitigationem speras ex consortio & aspectu hostium tuorum intensissimorum?

Dæmonum.

Considera, acerbiorem adhuc futuram Societatem malorum Dæmonum, tanquam eorum, qui non inimici tantum, sed carnifex etiam sunt, & ministri Justitiae divinæ. Iste dupli ratione affligeret damnatos, aspectu, & exprobrationibus. Aspectus alicujus Dæmonis usque adeo horribilis est, ut S. Franciscus, cum unum eorum aliquem vidisset, socio suo Ægidio sit confessus, absque eo quod DEUS vires alicui præter ordinem conferat, non per pauca quidem momenta monstralis aspectum ferri posse, quin ille ipsa morte stet. *Chron. p. 2. l. 1. p. 40. tit. 14. cap. 5.* S. Antonius in Summa sua, *de Decalog. tract. 1. c. 28.* narrat de Religioso aliquo, quod cum Dæmonem vidisset, dixerit, malle se ingredi in fornacem ardentem, quam denuo cundem aut alium videre. **Sancta Catharina**

Catharina Senensis istud præterea cùm Christo loquens affirmabat, quòd potius quám denuo aspiceret horribilem ejusmodi averni formam, parata sit ambulare per viam totam igneam usque ad extreum Mundi diem. Juxta has assertiones sufficeret unicum istorum monstrorum ad formandum & constituendum integrum Infernum: & tamen erunt ibi tanto numero, ut propè infinita videantur. *Hoc sis meus terribilibus oculis me intuitus est, aiebat Job. 16. vi. 10.* in persona Peccatoris, trepidantis ad solum aspectum spectrorum tam deformium. Quid jam erit, quando aspectui jungentur irrisiones & opprobria? Incidisti tu quoque in casses nostros, dicent maligni illi ad quævis istorum infelicitum: disce nunc fidere proditoribus: Insane, vinculis constringende, poteras obtinere salutem retantillâ, restituendo quod tuum non erat; abrumpendo pravum illud consortium; agendo modicam poenitentiam: & tamen noluisti. Quem accusare potes ut exitij tui causam? si solus illa fuisti. Maledic jam & morere: sed morere quin unquam vivere desinas, & patere absque ullo fine. Iusor, amissâ omni pecuniâ, omni jacturâ molestus fert opprobria suam ipsi infelicitatem exprobrantis: laceratum pagellas iusorias, evertit mensam, fremit, fuit, & non timet ipsam adeò vitam ad vindictam sumendum exponere discrimini. Damnati in rabiem quidem agi poterunt, & vindictæ cupiditate accendi, vires autem se vindicandi nullas habebunt. Ringantur licet, necesse erit audire, videre, pati, quin iram in alium exerant. Interim quæ vita erit ista mille mortibus deterior? vivere semper inter hostes tam horribiles, inter Carnifex tam crudeltes? Ecclesia permittit ut separantur à cohabitatione consensu juges,

juges, quando inter eos nascitur inimicitia & feritas non ordinaria, miserando infelicem ejus conditionem, qui cum socio inimico vivere cogitur. Utinam in loco illo infelici miseratio ejusmodi locum & ipsa habere posset, sic, ut si patiuntur miseri, paterentur soli, & ferrent secum Infernum suum in aliquem terrae angulum, tanquam caveam igneam, unis ipsis destinatam! Sed nihil spei superest ad obtainendum hoc bonum: *Peccator videbit, & irascetur; dentibus suis fremet & tabescet: videbit turpidinem suorum carnificum, audiet injurias, fremet rabie, & fine ullo fructu tabescet: Desideriam peccatorum peribit.*

Complicum in peccato.

III.

Considera, supra omnem fidem fore cruciabilem societatem Complicum in delicto; cum aquum omnino sit, ut fiat instrumentum summi cruciatus ad satisfaciendum divinæ Justitiæ, quisquis Peccatori fuit minister detestandæ voluptatis ad eandem offendendam. Idcirco furia omnium crudelissimæ in illa abysso erunt procul dubio Amici illi & Amicæ, quorum causâ quis tergim DEO obvertit. Tunc verum fiet id, quod minatus est Josue, ut omni illi, quicunque amicas vellet creaturas, in præjudicium amoris debiti ipsi Conditori, illæmet evadant sudes in oculis: *Sint sudes in oculis vestris. Job. 23. v. 13.* Cruciendo reos aspectu, & memoriam, supra omnem aliam quamlibet savam carnificinam. Quis sibi satis imaginabitur maledictiones, blasphemias, execrationes, quas aliis in alium conjicet, dum se invicem devorare cuperent?

Unus-

*Unusquisque carnem brachij sui vorabit : Manasses Ephraim,
& Ephraim Manassem ; simul ipsi contra Judam. Isa. 9. v. 20.*

Care mi Lector, DEUS avertat, ne unquam cadas in illud profundum, ut pro me, & te vehementer etiam atque etiam precor. Scias tamen velim jam nunc, si unquam pessima sorte tua eò casurus es, nullum fore Dæmonem, qui tantum te torqueat, quantum tortura est persona illa tam perditè amata. Vultus ille, quem tu nunc Paradisum appellas, tam tibi teter videbitur, ut ejus respetu ipse tibi Lucifer pulcher videatur. Illi oculi, quos tu nunc tam stultè vocitas tua sidera, sagittæ tunc erunt omni fulmine acutiores. Crines illi, qui merum tibi aurum videntur, mutabuntur in viperas crudeliores omni Dracone : verbo, habebis in illa armamentarium integrum pœnarum, Infernum æqualem, aut etiam deteriorem Inferno reliquo, dum momento quolibet perpendes, pro quantillo putridæ carnis jacturam feceris pulcherrimi vulnus divini ; pro quantillo bono te obnoxium reddideris æternæ calamitati. Principium nonnemo vietus in bello & captus, cum videret subditum quandam suum æmulum & victorem, aut tollite hunc, ajebat ad circumstantes, aut miserati meam fortem occidite me. Prô miser Peccator, quam mortem non volens ac lubens subires, ut ex oculis tibi tolleretur illa, quam tu Ethnici potius, quam Poëtæ phrasî, Deam tuam appellabas ! Jucundum tibi esset sceleri in barathro profundissimo ; lenimen dolorum tuorum crederes habitare cum draconibus, & societatem ipsorum censeres jucundam. Sed non est malo remedium : maledicere potes illi furia, illam detestari & execrari, ab ejus confortio separare te non potes. Interim quid tibi de habitatione ista videtur ? Parricidis olim hoc erat decretum suppli-

supplicium, ut culeo insuti cum Serpente, Gallo, & Simia
in mare abjicerentur. Sed ōmitia Legislatorum humano-
rum ingenia! non satis intelligunt poenarum naturam.
Aliam societatem invenit Justitia divina ad puniendos suos
reos; locum plenum Carnificibus, & suppicio affectis;
plenum odio & insultationibus, in medio matis ignei,
quod & littore, & fundo caret! Et tamen invenire est,
qui talem locum pro domo suo æterna eligant, & ut eli-
gant, contemnunt pulchram illam Jerusalem cælestem.
Lata porta, & spatiovia est, quæ dicit ad perditionem, &
multi intrant per eam. Matth. 7. v. 13. Non vi eò raptan-
tut nolentes; ipsi volentes suis eò pedibus profiscuntur.

Oratio.

Ad Spiritum Sanctum ad evitandam Damnationem.

O Spiritus Sanctissime, qui cum Patre & Filio unus so-
lus DEUS es; adoro te ex abyssō mei nihili, & demis-
simè tibi in memoriam revoco, quod sine gratia tua,
ne quidem cogitare quidquam possem, quod conferat ad
meam salutem. *Sine tuo Namine, nihil est in homine, ni-*
hil est innoxium. Quomodo igitur sine ope tua superare
potero discriminem omnium maximum, cui obnoxius sum
æternū pereundi propter tot peccata mea? Ah Domine,
ad te pertinet subvenire debilitati meæ, & est gloria tua,
triumphare in me de tuis, & meis inimicis me salvando. An
non tu es Spiritus ille Paraclitus & Consolator? quomodo
igitur me sines incidere in æternam miseriam? Tu qui es
sustentator meus, tu qui ex ventre matris meæ me acce-
ptasti ut tuum, nunc occludes precibus meis aures tuas?

& non

Consideratio III.

24

& non sustinebis eum qui te uno nititur? non ita fiat unquam: Ego in te spero, & scio quia non confundar; dum expecto, ut glorificem misericordiam tuam cum Sanctis tuis in cælo, et si toties promeritus sum experiri rigorem Justitiae tuæ cum aliis Reprobis in Inferno. Et quia par non est, ut mei unius memor sim, rogo te etiam pro omnibus Christianis fratribus meis, & tibi non minus omnes Peccatores, quam Animam meam commendabo. Claude obsecro gratiâ tuâ abyssum illam, quam ipsi culpis suis semper magis dilatant: illumina mentes eorum, ut cognoscant, quod tandem ducat perversa vita ipsorum: & da illis robur ita se se emendandi, ut servientes tibi in hac vita mereantur semper te frui in beata æternitate. Amen.

Consideratio IV.

Pro die Mercurij.

De Pœna Damni.

Jactura infinita.

I. **C**onsidera ingentem jacturam, quam facit Anima damnata, amittendo DEUM pro omni ævo, & cum ipso amittendo omnia illa gaudia, quæ sperare poterat ex possessione ejus. Quis unquam dignè explicabit, quid sit, in æternum privatum esse summum Bono? Discere de hoc possumus, quod S. Augustinus dixit de Beatisudine: *Acquiri potest, estimari non potest.* Ita è diverso etiam